

**Segun informacion ricibi ayera anochi di
vocero di Gobierno:**

AVP y OLA a firma pa sostene

Enseñanza Catolico

ORANJESTAD (AAN): Ayera anochi a ricibi informacion di parti di vocero di gobierno cu e lidernan di fraccion di partidonan AVP y OLA Sr. Duke Croes y Sr. Glenbert Croes, tambe minister Lili Beke-Martinez a firma pa sostene permanencia di enseñansa catolico na Aruba.

E informacion ricibi ta bisa cu "e dos partidonan aki ta convenci cu enseñansa catolico ta intrinsecamente vincula cu historia y desaroyo di nos pais. E tradicion y rol di enseñanza catolico segun e dos parti-

donan aki mester keda manteni den nos comunidad y pa e motibo aki kier muestra cu no ta, ni por existi ningun menasa pa existencia di enseñanza catolico. Mescos tampoco por existi un menasa asina pa enseñanza particular di tur otro denominacion religioso."

Segun e informe, "di e forma aki y den e forma cu lo continua cu deliberacionnan cu SKOA pa yega na kita completamente cualquier preocupacion cu ta existi riba permanencia di enseñanza catolico. Alabez kier sigura mescos cu SKOA, e continuidad di e renobacion di enseñanza."

"E existencia y permanencia di enseñanza catolico ta un asunto di principio pa gobierno y pa e dos partidonan, mescos cu e ta pa nos comunidad. Cu e firmamento pa sostene e preocupacion di SKOA, OLA y AVP kier enfatisa esaki".